

5

DISSERTATIONEM ACADEMICAM,
DE FORMA ET MAGNITUDINE TELLURIS,
EX DIMENSIS ARCUBUS MERIDIANI,
DEFINIENDIS,

VENIA AMPL. FAC. PHIL. AB.

PUBLICO EXAMINI SUBJICIUNT

HENRICUS JOHANNES WALBECK,
*Astronomiae Observator, Reg. Acad. Scientiarum Holmiensis
Soc. Correspondens,*

ET


FREDERICUS WILHELMUS BRUMMER,
Nob. Aboënsis,

In Auditorio Philos. die 27 Febr. 1819.

h. a. m. s.

PARTIC. I.

ABOÆ, Typis FRENCKELLIANIS.



Quemadmodum omnes empiricæ quantitatum determinationes approximaciones tantum sunt habendæ, eodem fere modo telluris nostræ forma & magnitudo pedetentim perfectius est explorata. Exstant revera tot & tanta hac de re eruditissimum Astronomorum & Geometrarum tentamina, ut novum his addere inutile forsitan esse videatur; neque manum nos ad has pagellas scribendas admovissemus, nisi cupidi fuisset videndi, in argumento hocce gravi, quid valeat certi vel probabilis determinare theoria illa acutissima probabilitatis summi Astronomi GAUSSII, quæ, quantum nobis quidem innotuit, ad hocce problema solvendum a nemine adhuc est applicata. Ope methodi Gaussianæ non tantum verosimillimi eruuntur valores incognitarum, sed etiam earum præcisio relativa, imo præcisio absoluta, si modo observationum ma-

gnus sit numerus, & si suppōnere itidem liceat, has constantibus non affectas esse erroribus a). Accedit, quod data hujusmodi disquisitionibus necessaria quotidie fere augentur; sic e. gr. in novissimis ephemeridibus asiaticis (*Asiatick Researches, Vol. XII, Lond. 1818*) relatum invenimus de mensura recentissima in India Orientali a W. LAMETON egregie peracta, quæ, utpote jam ad 7° meridiani sese extendens, magni ponderis est in vera figura telluris determinanda.

2.

a) Recte NICOLAI: "Jetzt, wo die Probabilitäts Theorie und ihre Anwendung auf astronomische Beobachtungen und Rechnungen sehr ausgebildet worden ist, sollte man eigentlich keine astronomische Bestimmung mehr machen, ohne zugleich den Grad der Wahrscheinlichkeit zu entwickeln, welchen man ihr beizulegen berechtigt ist. Erst dadurch erhält die ganze Untersuchung einen wahren Werth, indem wir auf diese Weise theils in den Stand gesetzt werden zu beurtheilen, wie viel man sich auf die gemachte Bestimmung überhaupt zu verlassen habe, theils auch erfahren, welches unter den verschiedenen Elementen sich mit vorzüglicher Schärfe aus den vorhandenen Datis herleiten lasse. Alle Willkürlichkeit werden auf diese Art verbannt und man hat nicht nöthig, bei der Bestimmung der wahrscheinlichen Grenzen der wahren Werthe der Elemente Hypothesen zu ergreifen, welche von der Art sind, dass dabei unvermeidlicher Weise jeder seine eigene Ansicht haben muss." *Videsis Zeitschrift für Astronomie u. verw. Wiss. Band. I, p. 306.*

Notissimum est, phænomena plurima, ex attractione universalis pendentia, ellipticitatem telluris intra limites $\frac{1}{300} - \frac{1}{330}$ circiter requirere; quæ vero uniformitas in comparandis dimensis arcubus meridiani generatim non est inventa. Erat hoc, præsertim in comparatis antiquioribus graduum dimensionibus, solenne, ut etsi telluris formam generatim ad polos compressam demonstrarent, hæc tamen compressio, assumta forma ellipsoidica, admodum diversa ex aliis aliisque binis tantum conjunctis dimensis meridiani arcubus duceretur. Novissimaque habemus in mensura meridiani gallici, a DELAMBRE, MECHAIN cet. proprie ad definitum novum sistema mensuræ gallicum instituta, atque in mensura Anglica a MUDGE eodem fere tempore facta, documenta, quæ suspicionem præbent satis magnarum telluris a forma regulari ellipsoidica aberrationum. E mensura enim illa compressio pro Gallia circa $\frac{1}{150}$ b), ex hac vero hæc pro portione meridiani Anglici circa — $\frac{1}{55}$ est re-

A 2 perta.

b) LAPLACE, Mechanik des Himmels, T. II. p. 173. DELAMBRE $\frac{1}{150}$ invenit, vide ejusd. Astronomie T. III. Paris 1814, p. 572.

perta c). Qua certitudine partiales istae determinations gaudeant, quas tamen minime (si etiam, quod difficile est, concedatur eas aliquid pro vera *forma* meridiani demonstrare) ultra fines, inter quos factæ sint, extendere licet, in sequentibus videbimus; etsi primarius noster scopus sit, ut inquiramus in generalem telluris ex omnibus post medium seculi præterlapsi factis graduum dimensionibus formam & magnitudinem, verosimilesque hujus determinationis errorum limites. Nam hypothesis formæ ellipsoidicæ regularis, seu æquabilitatis meridianorum ellipticorum non prius est mittenda, quam demonstratum sit, differentias inter calculum & observationes inveniendas harum errores fore superaturas. Specialis quoque nobis fuit caussa hujus investigationis, nempe ut in calculis parallacticis haberemus quid certi de ipsa ellipticitate telluris, quam arbitrariam intra $\frac{1}{300}$ — $\frac{1}{330}$ (speciatim non definita constante parallaxeos) assumunt novissimæ tabulæ lunares.

3.

Comparationem graduum dimensorum recentissimam jam instituit RODRIGUEZ^{d)}, quæ quidem dispositio

^{a)} Monat. Correspondenz, von Fr. v. ZACH, Aug. 1806,
pag. 142.

^{b)} Zeitschr. f. Astron. 1817. III. B. p. 71.

quisitio elegantissima nobis videtur; sed præterquam quod calculos suos paucissimis dimensionibus superstruxerit, præcisionem absolutam valorum a se erutorum, ignota theoria GAUSSI, non definivit. Et si in antiquioribus dimensionibus relativa præciso observationum respiciatur, saltem exspectari potest, calculorum conclusionum gradum præcisiónis auctum iri. Certe ex majori numero observationum id commodi est exspectandum, ut limites determinationum, quamvis ampliores, tamen fiant certiores. Crediderunt plurimi, creduntque a locilibus caussis, diversa forma meridiani, attractione montium, &c. explicari posse aberrationes quæ sæpe sunt animadversæ; etsi vero caussam harum talem esse non generatim negemus, tamen videntur annon prius vitiis observationum vel instrumentorum adscribi possint, cum etiam recentissimæ observations id satis demonstraverint, determinaciones absolutas quam maxime e natura instrumenti pendere e).

Obser-

- e) Sic Astronomi quidam ægre admittunt errorem 13" in amplitudine arcus lapponici, a MAUPERTUIS dimensi; eoque vel ellipticitatem $\frac{1}{100}$ vel attractionem montium probari putant; huic explicationi vero contrariaatur mensura receptior Svanbergiana, multo meliori instrumento facta, quæ bene cum regulari forma telluris conspirat, & in quam, si existissent, eadem attractiones, vim inferre debuissent; præterea absentiam talium aberrationum in loco ipso exa-

Observare tantum liceat, quo longius provecta sit Astronomia practica, eo etiam difficiliores evasisse subtilissimas determinationes, cum multi sint, vix cognoscendi errorum fontes, e quibus saepe in observationes constantes redundant errores, quorum determinatio difficulter, quandoquidem nec maxima serie *isidem* factarum rebus circumstantibus observationum detegi & eliminari possint. Numerus igitur magnus bene inter se conspirantium observationum mox non demonstrat absolutam hujus determinationis certitudinem, nisi in fontes errorum etiam inquiratur constantium.

4.

Si igitur in sequentibus nobis innotescat, omnes mensuras, praesertim recentiores, eadem ellipticitate & longitudine axeos majoris repraesentari posse, erroribus amplitudinum cœlestium non majoribus,

mine instituto demonstravit Cel. novæ expeditionis Author. (Cum tamen hæc differentia quodammodo est explicanda, nec in latitudine Tornoæ sit querenda; forsitan dubitari potest de verticalitate Sectoris zenithalis in fine boreali arcus maupertuisianæ Kittis) Scimus, saepe montium attractioni imputatos esse errores ubi revera observator taxandus fuit. Sic P. SCHIEGG errorem 16° circulo Reichenbachiano inventum ex attractione montium Bavariæ, explicavit, sed quo jure, videsis Mo. Corr. B. XXV. p. 530.

juribus, quam exspectare licuit, & quos ratio instrumentorum veterum non omnino improbables reddit; valde tenues apparebant haberi rationes quæ jubeant hypothesin regularis formæ ellipsoidicæ rejici; præsertim cum hæc maxime theoriæ gravitatis generalis atque æquilibrii maris sit accommodata. Id vero jam in principio est observandum, summe regularem continuitatem in forma telluris non esse exspectandam, cum aperte testante experientia, terræ continentæ non tantum non sint homogeneæ, sed etiam, quo longius ab oceano distent, eo altiores; quare omnes mensuras ad libellam maris reducere solent Auctores. Notissimæ sunt experimenta a BOUGUER in Chimborazo, MASKEYNE in Shehallien, v. ZACH in Mont Mimat facta, imo eæ aberrationes qui Domino MECHAIN in Barcelona & Montjoui occurserunt f); tales vero variationes non impediunt quominus ex omnibus hucusque factis observationibus quæratur forma

ma

f) Recentissimum talis anomalie exemplum videre licet in operationibus a ZACH & INGHIRAMI Pisig fastis; ubi ex observatis 120 culminationibus Polaris super. deducta est latitudo $43^{\circ} 43' 11'',68$; ex 90 inf. $11'',88$; ex 120 sup. culm. β Urs. min. $11'',76$, 174 inf. $11'',77$, medium = $43^{\circ} 43' 11'',77$; quæ igitur certa esse videtur; e geodætica vero mensura, observatorium Pisanum cum Florentino conjungente, eruitur latitudo $43^{\circ} 43' 19'',4$. Videsis Zeitschr. f. Astr. 1818, März, April, p. 223 sqq.

ma telluris generalis; quo autem hoc fiat, apta non est methodus binas comparandi mensuras graduum, qua ratione telluris irregularitates majores quam revera sunt, apparebunt; sed sumendæ sunt omnes conjunctim, ut per methodum quadratorum minimorum verosimillimi incognitarum eruantur valores. Innotescet sic tam ellipticitas, quam longitudo *metri*, de cuius vero valore ex novissima mensura gallica resultant conclusiones, paullulum diversæ ab iis, quæ fundamenti loco jam ante viginti annos sunt stabilitæ.

5.

Ut autem habeamus incognitarum valores approximatos, & ut videamus, quam bene inter se conspirent mensiones novissimæ, quo pateat, an his solis certior quam omnibus, etiam antiquioribus minoris præcisionis mensurationibus, superstratur telluris theoria; primo ex iis tantum in formam meridiani inquiramus. Posito igitur

$S = \text{gradui medio Meridiani, seu } \frac{1}{90} \text{ parti quadrantis};$

$\epsilon = \text{ellipticitati, in partibus axeos majoris};$

$\alpha = \text{diff. Latitudinum } \phi\phi, \text{ punctorum extremorum arcus meridiani dimensi, quorum sit distantia terrestris} = \Delta;$

Habe-

Habebimus, si in primo computo præliminari ρ^2 &c. evanescentes spectentur, secundum Ill. LAPLACE, Arcum meridiani inter æquatorem & punctum Latitudinis ϕ , = $S \left(\phi - \frac{3}{4} \rho \cdot \frac{180}{\pi} \sin 2\phi \right)$ g)

quam formulam fundamenti loco præsentí disquisitioni supponimus. Erit igitur, si α sec. sexages. exprimitur

$$\frac{3600 \cdot \Delta}{S} = \alpha - \frac{3}{2} \cdot \frac{180 \cdot 60^2}{\pi} \sin(\phi' - \phi) \cos(\phi' + \phi).$$

Assumatur $S = s \left(\frac{1}{1 - \frac{m}{m}} \right) = s (1 + m + \&c.)$,

resultat hæc æquatio, (quam ita disposuimus, ut clarius innotescat, quam necessaria sit latitudinum seu potius amplitudinum determinatio exacta):

$$\frac{3600}{s} \cdot \Delta - \frac{3600}{s} \cdot \Delta m = \alpha - \frac{3 \rho}{\sin 2^{\text{II}}} \sin \alpha \cos(\phi' + \phi).$$

Sumto vero $s = 57000$ tois., (Unitas mensuræ nobis in sequentibus erit, ut apud Auctores invaluit mos, pertica Gallica, Toise de fer de Pérou, calore $13^{\circ} R.$ = $16,2^{\circ} C$) æquatio sequentem induit formam simplicissimam:

B

C Δ —

g) Mechanik des Himmels, T. II. p. 172.

$$C\Delta - \alpha = C\Delta m - c \sin \alpha \cos(\phi' + \phi) \rho;$$

Ubi $\log. C = 8,8004276$, $\log c = 5,49052$.

Si Δ pedibus Anglicis exprimatur, erit, posita ratione mensuræ Gallicæ & Anglicæ $\frac{4,263}{4,000}$ h.

$$\log C = 7,9946211.$$

6.

Mensuratio*n*e*s*, quæ summam fidem merentur, hæ sunt i):

A) *Mensura Peruviana*, a BOUGUER & LA CONDAMINE a. 1742, 1743 facta. Etsi multum de accurate*n*e*s* hujus expeditionis sit disputatum, magna*n*que dubia de instrumentorum ibi ad*h*ibitorum bonitate in medium pro*la*t*a*ta, patet tamen hanc mensuram ob proximitatem æquatoris magni esse ponderis. Nova reductione a v. ZACH facta, hæ quantitates esultant: Δ in altitudine $1226^{\circ} = 176940^{\circ}$, quare ad

b) Philos. Tr. 1812, p. 329 Conn. d. T. 1816, p. 259;
v. ZACH, Attraction des Mont. Mars. 1814, T. I, p. 338.
v. ZACH, Tables du Soleil, Flor. 1809 &c.

i) Cum paullo diversæ soleant hæ quantitates ab Auditoribus tradi, nos immediate ex fontibus hausimus, neque data quodam modo alteravimus, ne suspicio favoris nostri in hypothesis quandam præsumptam lecturo oriretur.

ad libellam maris $\Delta = 176874'$, $\alpha = 3^\circ 7' 3'', 79$,
 ex contemporaneis LA CONDAMINE in Mama Tarqui
 & BOUGUERI in Cotquesqui Dec. 1742 — Jan. 1743
 factis observationibus; quæ jam data calculo no-
 stro substernere placet. Conspirat quod alio modo
 etiam invenit v. ZACH, sc. $\alpha = 3^\circ 7' 4'', 65$ k)
 DELAMBRE vero, novo examine invenit $\alpha = 3^\circ 7' 3'',$
 $\Delta = 176877$ l). $\phi_1 + \phi = - 3^\circ 2' 1''.$

B) *Mensura Indica major* a W. LAMBERT annis
 1805 — 1811 in longitudine meridiani fundamenta-
 lis $77^\circ 40'$ Or. a Grenovico, ubi inventa sunt, si
 minores amplitudines primo heic omittantur,

B 2

Am-

k) Monatl. Corr. 1812. 2. 52 sqq. Objectiones, quæ contra
 hanc mensuram occurruunt in M. Corr. 1807, Oct. pag.
 301 sqq. nobis judicibus vim non infringunt determina-
 tionis a v. ZACH factæ, qui calculos suos observationibus
 quæ a BOUGUER & CONDAMINE certissimæ declarantur su-
 perstruxit; quod, ne nimis lectori fædii adducamus, bre-
 vitatis caussa heic demonstrare supersedemus. De ce-
 tero observandum mensuram hanc Bouguerii, etiamsi
 quodammodo incerta sit, ad falsas conclusiones non du-
 cere, cum duæ sequentes graduum dimensiones æquatori
 sint sat propinquæ, & conjunctim amplitudinem fere tri-
 plam amplitudine arcus æquatorialis efficiant; præterea sine
 dubio sunt exactiores, ut ex comparatis distantiis zen-
 thalibus facilissimum est visu.

l) *Astronomie*, Tom. III. pag. 567.

Amplitudo intra Punnæ & Namthabad ex 13 bene
inter se conspirantibus stellis sectore zenithali obser-
vatis $\alpha = 6^\circ 56' 22'',25$,

$$\Delta = 2518223,4 \text{ p. angl. cal. } 62^\circ \text{ F.}$$

$$\phi + \phi_1 = 23^\circ 15' 38'' \text{ m).}$$

C) *Mensura Indica minor long. meridiani principi-
palis* $79^\circ 47'$ or. a Grenovico, etiam a LAMPTON
facta; ubi ex observatis Aldebaranis distantiis zeni-
thalibus sunt inventa

$$\text{Latitudo Paudree} = 13^\circ 19' 49'',02$$

$$\text{Lat. Trivandporum} = 11^\circ 44' 52,59;$$

$$\Delta = 574337,0 \text{ p. a. n)}$$

D) *Mensura Gallica* a MECHAIN, DELAMBRE, BIOT
& ARAGO instituta. Quantitates inde resultantes post
novissimas observationes, & si arcus iste mensura-
tus usque ad Grenovici observatorium extendatur,
colligere licet ex DELAMBRE Astronomie, Paris 1814,
T. III. p. 566 o)

$$\Delta =$$

m) Videsis de recentissima hac operatione, quam adhuc Ion-
gius, boream versus extendere conatur Auditor, Asiatick
Researches, Vol. XII. Lond. 1818. pag. 294 sqq.

n) Cfr. Asiatick Res Vol. VIII. p. 184, 185, 193, nec
non Zeitschr. f. Astr. 2. B. p. 86 sq.

o) Tabulæ e quibus hæc data sunt deducta, vitiis quibus:

$$\Delta = 730431',3$$

Latitudo Formentera = $38^\circ 39' 56'',11$

Lat. Grenovici sec. Bessel = $51^\circ 28' 39'',56$

Unde $\alpha = 12^\circ 48' 43'',45$; $\phi' + \phi = 90^\circ 8' 36''$;
unde patet arcum meridiani gallicum minime ab ellipticitate, maxime vero a S pendere.

E) Mensura Anglica a W. MUDGE annis 1800 — 1802 facta. Deducta sunt his ex observationibus, si maximo tantum arcu utamur, inter puncta extrema Dunnose & Clifton p)

$$\alpha = 2^\circ 50' 23'',38$$

$$\Delta = 1036337 \text{ p. a.}$$

$$\phi' + \phi = 104^\circ 4' 40''.$$

F) Mensura Lapponica, a SVANBERG, ÖFVERBOM, PALANDER & HOLMQVIST annis 1801 — 3, antiquioris istius Maupertuisianæ loco substituta. Distanzia parallelorum extremorum $\Delta = 92777',98$, in suppositione virgam ferream longitudine dupli metri

dam typographicis scatent, quæ corrigenda sunt. RODRIGUEZ ponit $\Delta = 730430,7$. Z. f. Astr. 3 B. p. 74. $\phi' = 51^\circ 28' 38'',0$, quæ secundum POND & BESSEL vera forsitan $1''$ minor.

p) Phil. Trans. 1803, p. 383, 384 sqq.

tri ibi adhibitam in calore $0^{\circ} c$ (& non calore $16^{\circ}, 2. c.$) aequale fuisse duplii metro normali Instituti Parisiensis, quod ipsum in puncto congelationis aequale est $2.443,296$ lineis in toise de fer de Perou captis, hac pertica calorem $16,2$ habente; cuius suppositionis veritatem (de qua dubius hæsit Cel. Auctor) colligere licet ex LAPLACE Exposit. du Système du Monde, 4:me Ed. Paris 1813, p. 63 q); Præterea per refractionem Besselianam & Laplacianam inveni r)

$$\alpha = 1^{\circ} 37' 19'', 55$$

$$\varphi_1 + \varphi = 132^{\circ} 40' 20''$$

7.

-
- q) Conf. SVANBERG Exposition &c. St 1803, pag. 162, 192, Cum a multis Auctoriis sint quærelæ de certitudine ipsius metri in medium prolatæ; juvat afferre sequentia, quæ demonstrant, has fuisse iniquas: "Quoiqu'il en soit, c'est toujours au mètre légal qui est représenté par une règle de platine soumise à la température de la glace fondante, et dont la valeur est 443,296 lignes de toise de Perou, pris à 13° du thermomètre du Réaumur, que l'on doit rapporter comme par le passé, toutes les mesures géodesiques." PUSSANT, Traité de Topographie et Nivellement. Supplement, Paris 1810, p. 29.
- r) Cum Celeberrimus Auctor de exactitudine refractionis Bradleyæ, præsertim coëfficientis thermometricæ dubitaverit, aliamque etiam adhibuerit secundum mentem Cel. PRONY, nos tam ex formula LAPLACII & constante Delambreana, seu tab. refr. in Tables Astronomiques, par le Bureau de longitudes (ubi tabula VII. pro correctione

Ut calculus commodior s) evadat, sumamus

m' =

thermometrica, non est erronea, ut creditit LITROW, quod videtur e Conn. d. Temp. p. l. An 1820, pag. 387) quam ex formula BESSELI refractiones quæsivimus; habuimusque pro Mallörn conspirantibus his formulæ refractiones:

$23''\!,94$, $24''\!,18$, $24''\!,48$, $24''\!,65$, $24''\!,67$, $24''\!,44$, $24''\!,89$;
mediamque correctionem refractionis Bradleyanæ $= + 0''\!,22$.
Pro observationibus in Pahtavaræ institutis, in culminatio-

ne Polaris superiore,

$22''\!,94$, $24''\!,30$, $24''\!,50$, $23''\!,89$, $23''\!,85$, $23''\!,47$, $23''\!,63$;
mediamque correctionem $\pm + 0''\!,18$; & pro duabus seriebus
in culminatione inferiore captis refractiones $28''\!,83$, $29''\!,58$,
seu correctiones $= + 0''\!,28$, $0''\!,35$; Unde si declinatio
a SVANBERG inventa adhibetur (5 Oct. 1802 secundum
DELAMBRE est $88^{\circ} 15' 19''\!,14$, SVANBERG $17''\!,52$, & BESS-
SEL $18''\!,48$),

Latitudine Mallörn $= 65^{\circ} 30' 50''\!,05$, Pahtavaræ $=$
 $67^{\circ} 8' 49''\!,60$; unde patet, refractionem Bradleyanam nul-
lo errore amplitudinem affecisse. Paulo mutarentur hæc
data, si declinatio secundum BESSEL, saltē in observatio-
nibus in Mallörn factis, aberratio & nutatio secundum for-
mulas solitas observationibus applicerentur. Formulam de-
cetero Besselii his etiam climatis esse accommodatam,
demonstrant duæ istæ observationes Solis die 23 Dec. 1802
& 5 Jan. 1803 captæ. V. I. c. p. 163.

s) Hoc respectu sunt commendandæ BARLOW New Ma-
thematiæ Tables, Lond. 1814, quarum commoditatem usu
edocti magnam invenimus, ad numericos computos brevi-
ores reddendos.

$m^l = 1000 m$, $\rho^l = 1000 \rho$; & sic resultant ex dimensis sex his arcubus meridiani æquationes sequentes:

- A) $o = 52''_{\text{so}} + 11,171 m^l - 16,803 \rho^l$
- B) $o = 110''_{\text{so}} + 24,872 m^l - 34,343 \rho^l$
- C) $o = 23''_{\text{so}} + 5,673 m^l - 7,738 \rho^l$
- D) $o = - 9''_{\text{so}} + 46,131 m^l + 0,172 \rho^l$
- E) $o = - 12''_{\text{so}} + 10,236 m^l + 3,729 \rho^l$
- F) $o = - 20''_{\text{so}} + 5,860 m^l + 5,936 \rho^l$.

Quas æquationes singulas æquali præcisione in amplitudinibus assumimus. Patet jam, arcum indicum B), æquatorealem atque svecanum ρ , atque gallicum & indicum S proprie determinare. His invenitur, per methodum quadratorum minimo-rum:

$$\begin{aligned} o &= 2797,99 + 3042,86 m^l - 1004,90 \rho^l \\ o &= - 5016,07 - 1004,90 m^l + 1570,84 \rho^l \end{aligned}$$

$$\begin{aligned} m^l &= + 0,17120, \text{ præcisio} = 48,99 \\ \rho^l &= + 3,3027, \text{ præcisio} = 35,20, \end{aligned}$$

sumta præcisione observatarum amplitudinum cœlestium in secundis sexagesimalibus expressarum = 1. Cum sit $S = s (1 + m + \dots)$ habetur

Gradus medius seu $\frac{1}{90}$ pars Quadrantis Meridia-ni = 57009',76

$$\text{Ellipticitas} = \frac{1}{302,78}$$

Longi-